

CXXVIII.

Moderatio Censurarum contra Extrahentes Frumenta, & aliud Annonæ genus extra Statum Ecclesiasticum per Constitut. Gregorii XIII. inflictarum.

Ex Regest. in Secret. Breu.

CLEMENS PAPA VIII.

Ad perpetuam rei memoriam.

Pastoralis nostra de Animarum cunctorum Christianidelium salute sollicitudo nos admonet, ut ea, quæ prædecessores Nostri Romani Pontifices, iusti suadentibus rationibus provide ordinarunt, dum tamen ex his animas Christianidelium illaqueatas detineri comperimus, pro earumdem Animarum salute moderemur, prout in Domino salubriter conspiciamus expedire.

Proemin.

§. 1. Cum itaque, sicut accepimus, ob Constitutionem fel. rec. Gregorii Papæ XIII. contra extrahentes Frumenta, Blada, & aliud Annonæ genus extra Statum Ecclesiasticum editam, in qua excommunicatio nis poena eo ipso incurrenda inflicta existit, multa tum Subditorum nostrorum S. R. E. tum vicinorum ditionis nostræ finibus Populorum personæ, quæ etiam pro eorum victu, & in modica quantitate huiusmodi Frumenta, Blada, Legumina, & alia id genus extrahere coguntur, excommunicatio nis huiusmodi poena illaqueata detineantur, & alias etiam sæpe illaqueari contingat.

Ex Gregoriana Constitut. stricta observantia animæ illaqueabatur.

§. 2. Nos, quibus animarum Christianidelium salus imprimis procuranda est, premissis, quantum cum Domino possumus, obviare volentes, Constitutionis prædictæ tenorem, ac si ad verbum insereretur, præsentibus pro expresso habentes, Motu proprio, & ex certa scientia, maturaque deliberatione nostris, ac de Apostolicæ potestatis plenitudine, excommunicationis poenam in dicta Constitutione inflictam, quo ad eos, qui Frumenta, Blada, Legumina, & alia cuiusvis Annonæ generis in modica quantitate, & pro usu proprio tantum, non autem Mercaturæ causa ex Statu Nostro Ecclesiastico pro tempore extraxerint, omnino tollimus, & abrogamus, eosque talem excommunicationis poenam, salvis tamen aliis poenis in dicta Constitutione inflictis, minime de cætero incurrrere declaramus.

Clemens excommunicationem tollit quoad eos, qui Annonam extrahunt pro suo usu.

§. 3. Præterea quibuscumque Confessoribus, ut personas, quas hucusque ob Frumentorum, & aliorum prædictorum in modica quantitate, & pro usu proprio, non ad mercaturam faciendam, ex dicto Statu extractionem, excommunicationis huiusmodi poenam incurrisse compererint, ab huiusmodi excommunicationis poena iniuncta eis poenitentia salutari, absolvendi facultatem concedimus, & impertimur.

Data Confessoribus eos absolvendi facultate.

§. 4. Non obstantibus prædicta Gregorii XIII. ac quibusvis aliis Constitutionibus, & Ordinationibus Apostolicis, cæterisque contrariis quibuscumque.

Derogat contrariis.

Da-

Clausula sublata.

§. 15. Decernentes sic, & non aliter in præmissis omnibus, & singulis per quoscumque Judices Ordinarios, & Delegatos, etiam causarum Palatii Apostolici Auditores, & Camera prædictæ Præsidentes, Clericos, Sanctæ Romanæ Ecclesiæ Camerarios, necnon ejusdem Sanctæ Romanæ Ecclesiæ Cardinales, etiam de latere Legatos, sublata eis, & eorum cuilibet, quavis aliter iudicandi, & interpretandi facultate, & auctoritate iudicari, & definiti debere, ac irritum, & inane, quicquid secus super his a quoquam quavis auctoritate, scienter, vel ignoranter contigerit attentari.

Clausula derogationis, & Sanctio penalis.

§. 16. Non obstantibus quibuscumque Constitutionibus, & Ordinationibus Apostolicis, ac legibus municipalibus Urbis, nec non Civitatum, Terrarum, Castorum, & locorum supradictorum etiam juramento, confirmatione Apostolica, vel quavis alia firmitate roboratis statutis, & consuetudinibus, privilegiis quoque, indulgentiis, & literis Apostolicis, ac investituris, etiam in remunerationem, aut ex quavis alia causa onerosa, aut ex contractu, erectionibus dignitatum, aliisque quibusvis concessionibus, dictis Principibus, Ducibus, Marchionibus, Comitibus, Baronibus, & Domicellis, sub quibuscumque verborum formis, & tenoribus, ac cum quibusvis, etiam derogatoriis derogatoriis, aliisque efficacioribus, & insolitis clausulis, & irritantibus, ac aliis decretis in contrarium præmissorum quomodolibet concessis, confirmatis, approbatis, & innovatis, nec non fideicommissis, ac ultimis voluntatibus, donationibus, pactis quibuscumque, aliisque præmissis. Quibus omnibus, & singulis, etiamsi pro illorum sufficienti derogatione, de illis eorumque totis tenoribus, specialis, specifica, & expressa, & individua, non autem per clausulas generales idem importantes, mentio seu quævis alia expressio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, & forma illis tradita observata, inserti forent, præsentibus pro expressis, & de verbo ad verbum insertis habentes, hac vice dumtaxat, & ad effectum omnium, & singulorum præmissorum specialiter, & expresse, ac latissime derogamus, cæterisque contrariis quibuscumque.

D.P. Ann. V. die 25. Junii 1596.

Nulli ergo, &c. Datum Romæ apud S. Marcum. Anno Incarnationis Dominicæ, millesimo quingentesimo nonagesimo sexto, septimo Kal. Julii, Pont. nostri Anno V.

Datum Romæ apud S. Marcum sub Annulo Piscatoris die 28. Junii 1596. Pontificatus Nostri Anno Quinto.

CXXIX.

Religiosis Congregationis Sancti Joannis Evangelistæ Regnorum Portugallie prohibetur, quominus de rebus suæ Religionis extra eam agant, vel favores capiant.

Ex Regest. in Secret. Breu.

CLEMENS PAPA VIII.

Ad perpetuam rei memoriam.

Exordium.

Quæcumque ad Religiosorum quietem, & prosperam directionem pertinet, cognoscimus, in his auctoritatis nostræ partes libenter interponimus, prout in Domino salubriter conspiciamus expedire.

Forma appellationum præscribit.

§. 1. Cupientes itaque dilectos filios Canonicos, & alios Religiosos Congregationis S. Joannis Evangelistæ sub habitu, & Regula Congregationis Sancti Georgii in Alga Venetiarum in Regnis Portugallie instituta in humilitatis, & obedientiæ Spiritu Dei obsequi vacare, & a secularium rerum cura, prout bonos Religiosos decet, penitus liberos esse, quæ his impedimento esse possunt, provida ratione removenda censuimus. Proinde hac Nostra perpetuo valitura Constitutione sancimus, ac statuimus, & ordinamus, quod perpetuis futuris temporibus nulle omnino personæ dictæ Congregationis S. Joannis Evangelistæ liceat ab ordinationibus, Visitationibus, Correctionibus, Reformationibus, Privationibus, Depositionibus, aliisque poenis, & sententiis suorum Rectorum, Visitatorum, aliorumque Prælatorum, seu etiam Rectoris Generalis, & Capituli generalis ejusdem Congregationis in iis, quæ ad ejus regimen pertinent, ad alium Judicem, sive Ecclesiasticum, sive secularem, aut aliam quamcumque personam quavis auctoritate, & dignitate etiam Regali, Ducali, aut alia mundana, aut etiam Archiepiscopali, Episcopali, vel alia Ecclesiastica præfulgentem appellare, aut alias quoquo modo recurrere habere, sed ab eorum Superioribus Ordinariis, ad Rectorem Generalem, & ab illo ad Capitulum generale recurrere, & coram eis de eorum iuribus experiri juxta dictæ Congregationis privilegia, & regularia Instituta teneantur, a prædicto tamen Capitulo generali pro notoria, & manifesta iniuria, ac in eventum, denegate justitiæ, ac alias, ad Sedem Apostolicam, ejusque Nuncios, ac Legatos dumtaxat, ut præsertim recurrere valeant.

Prohibitio de rebus Religionis extra eam agere.

§. 2. Insuper ejusdem Congregationis Rectori generali, aliisque Rectoribus, Vicerectoribus, Canonicis, & fratribus universis, & singulis personis perpetuo interdiximus, & prohibemus, ac in virtute Sanctæ Obedientiæ districte præcipiendo mandamus, ne ullo unquam tempore non solum de huiusmodi causis, sed etiam de quibuscumque aliis rebus, & negociis Congregationis ad quascumque personas seculares, & Ecclesiasticas extra dictam Congregationem, etiam Reges, Duces, & alios Principes Seculares, nec non quoscumque in Ecclesiastica Dignitate constitutos Archiepiscopos,

Episcopos, & alios Ecclesiasticos Prælatos, Nuncios, & Legatos Apostolicos in casu super expresso exceptis, scribere culpas Religiosorum, & poenas, quibus plestuntur, & alias res, quæ extraneis personis notas esse minime decet, tam per literas, & memorialia, quam oratenus per se, vel per aliquam interpositam personam directe, vel indirecte, tacite, vel expresse quovis quæsito colore, vel ingenio significare, & notas facere de eorum Prælatibus, aut de omnibus, & singulis ejusdem Congregationis Canonicis, Fratribus, aut Conversis supra nominatis penes prædictas personas conqueri, aut coram illis aliqua ipsorum Prælatorum, & dictarum personarum crimina objicere, aut alia facere, dicere, & tractare, quæ ad Religionem, seu Religiosos ipsos pertineant.

Vel quemel- que favorem captare.

§. 3. Neque pro remissione, aut relaxatione poenarum, seu poenitentiarum eorum favorum, & Patrocinium requirere, vel implorare, vel illis ultro delata uti audeant, seu præsumant.

Pœna contra transgressores.

§. 4. Qui vero in aliquo præmissorum, contra præsentium tenorem venire, aut aliquid attentare præsumperint, eos perpetua privationis activæ, & passivæ vocis, ac Dignitatum, Officiorum, & Administrationum quarumcumque, inhabilitatisque ad illa, & alia imposterum obtinenda, carcerisque mancipationibus unius Anni, ac in omnibus quartis, & sextis feriis disciplinam in Refectorio suscipiant, & ibidem panem, & aquam tantummodo in Terra manducant. Poenas, ad quas incurrendas solæ appellationum interpositiones, ac literæ, aliæque contra tenorem huiusmodi attentata ubique tam in Judicio, quam extra fidem faciant, eo ipso incurrisse, & incurrrere declaramus, poenasque huiusmodi a Nobis tantum, & Rom. Pontific. remittendas contra eos irremissibiliter infligimus, & promulgamus.

Recurrentes extra Religionem ad eam remittendi.

§. 5. Mandantes in virtute sanctæ obedientiæ universis, & singulis Archiepiscopis, Episcopis, & aliis Ecclesiarum Prælatibus, seu ut præsertim in Ecclesiastica dignitate constitutis, & aliis personis Ecclesiasticis, ut pro dictæ Congregationis quiete illius Religiosos quoscumque ad eos forsitan recurrentes contra præmissa delinquentes ad eorum superiores remittant, nec illis aliquo modo contra earumdem præsentium tenorem favent, aut aliorum suffragia implorandi occasionem præbeant: Reges autem, Duces, & Principes temporales, ac Marchiones, & etiam Comites, Gubernatores, & Barones paterne in Domino hortamur, ut qui libertatem Ecclesiasticam, & Religiosorum quietem, & Institutorum suorum observantiam, tamquam vere Catholicis Principes tueri teneantur, hujus Congregationis prosperum, ac pacificum statum, qui ex præmissorum observatione maxime pendet, conservari curent, & studeant.

Præsentium literarum limitat.

§. 6. Decernentes insuper præsentibus literas nullo unquam tempore de subreptionis, vel obreptionis vitio, aut intentionis nostræ, vel quocumque alio defectu notari, impugnari, vel redargui posse, neque sub qui-



quibusvis similibus, vel dissimilibus literarum revocationibus, suspensionibus, limitationibus, aut aliis contrariis dispositionibus comprehendere, sed semper, & perpetuo validas, & efficaces existere, suosque plenarios, & integros effectus sortiri, & obtinere; Sicque per quoscumque Iudices Ordinarios, & Delegatos, etiam Causarum Palatii Apostolici Auditores, ac S. R. E. Cardinales, & alios, ad quos spectat, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere, ac irritum, & inane, quidquid secus super his a quoquam quavis auctoritate scienter, vel ignoranter contigerit attentari.

Reverendi generali data commisso predicta omnia sequendi.

§. 7. Quocirca dilecto filio Rectori generali Congregationis predictae nunc, & pro tempore existenti per praesentes committimus, & mandamus, quatenus praemissa omnia statim post praesentium susceptionem in Congregatione predicta, & in omnibus eius Monasteriis publicari, eaque omnia tam per se, quam per Visitatores ordinarios, omnesque alios inferiores eiusdem Congregationis Praelatos ab omnibus eiusdem Congregationis Regularibus personis inviolabiliter observari, & quolibet Anno in Visitationibus dictae Congregationis super praemissis contra delinquentes inquiri faciat; praecipue vero ne aliquas iam iniunctas, vel imposterum iniungendas poenas, seu poenitentias cuicumque eiusdem Congregationis Religioso ad supradictarum secularium, aut Ecclesiasticarum personarum praedictarum instantiam remittant, condonent, relaxent, aut minuant, aut remitti, condonari, relaxari, vel minui patiantur; Contradictores, & inobedientes supradictis, & aliis poenis iuxta eiusdem Congregationis regularia statuta, aliis opportunis Juris, & facti remediis, appellatione omnino postposita, compescendo.

Derogatio contrarium

§. 8. Non obstantibus quibusvis Apostolicis, ac in universalibus, Provincialibus, & Synodalibus Conciliis editis generalibus, vel specialibus Constitutionibus, & Ordinationibus, ac quibuscumque Statutis, & Consuetudinibus, etiam juramento, confirmatione Apostolica, vel quavis firmitate, alia roboratis, privilegiis quoque, Indultis, & literis Apostolicis in contrarium praemissorum quomodolibet concessis, confirmatis, approbatis, & innovatis. Quibus omnibus, etiam pro illorum sufficienti derogatione de illis, eorumque totis tenoribus specialis, specifica, & ad verbum expressa mentio habenda esset, tenores huiusmodi, ac si de verbo ad verbum infererentur, praesentibus pro expressis habentes, hac vice dumtaxat specialiter, & expresse derogamus, ceterisque contrariis quibuscumque.

Transumptum fides.

§. 9. Volumus autem, quod praesentes literae inter Statuta, & Definitiones eiusdem Congregationis perpetuo observanda describantur, & quod eorum transumptis etiam impressis manu Secretarii dictae Congregationis, aut alicujus Notarii publici, nec non Sigillo eiusdem Congregationis, vel alicujus personae in dignitate Ecclesiastica con-

stituta ob signatis, indubia ubique in iudicio, & extra aequae, & praesentibus ipsis fides adhibeatur.

Datum Romae apud S. Marcum sub Annulo Piscatoris die 4. Julii 1596. Pontificatus Nostri Anno Quinto.

Dat. die 4. Julii 1596. Ann. V.

CXXX.

Quod Itali extra Italiam non habitent in locis, ubi liber, & publicus cultus, sive usus Catholicae Religionis non existat.

CLEMENS PAPA VIII.

Ad futuram rei memoriam.

Cum sicut non sine magno animi nostri dolore accepimus, quamplures Christiani fideles ex diversis Italiae partibus, eorum patriis, ubi vera, & sancta Catholica, & Apostolica religio viget, & publice praedicatur, discedentes, abeant in longinqua loca, ubi non solum haereses impune grassantur, sed quod peius est, Catholicae Religionis usus publice interdicitur, & prohibetur; quo fit, ut persona ibi permanentes, etiam si Catholicae sint, cogantur tamen contra eorum pia desideria, sacrosanctae Missae sacrificio, aliisque Divinis Officiis, ac Sanctorum Sacramentorum perceptione, in suarum animarum discrimen diutius carere.

Causa hujus Constitutionis.

§. 1. Quare nos, his, & aliis malis, & periculis inde provenientibus, quantum cum Domino possumus, obviare cupientes, hac nostra in perpetuum valitura Constitutione statuimus, & ordinamus, ut de caetero nullus Italus, sive Mercator, sive cujusvis alterius conditionis, vel status existat, quovis quaesito colore, prae-textu, vel ingenio audeat habitare, vel domicilium tenere in Civitate, Oppido, seu loco, ubi aliqua Ecclesia cum Parocho, vel Pastore, seu Sacerdote Catholico non existat, in qua libere, & sine omni periculo palam, & publice celebrari, & audiri possint, sacrosanctae Missae, & alia divina Officia, & conciones, ac Sacramenta Ecclesiastica ministrari, mortuorum corpora sepeliri, & caetera fieri juxta Ritum Sanctae Romanae Ecclesiae.

Itali non habitent in locis in quibus Catholicae fidei cultus libere non permittitur.

§. 2. Utque iidem Itali abstineant a Matrimonii cum haereticis mulieribus, & ab haereticorum sepulturis, filios suos de sacro fonte levare per haereticos non permittant, nec ipsi vicissim haereticorum filios, nisi per Catholicum Sacerdotem Catholico more baptizentur, levare praesumant. Medicorum quoque haereticorum opera, necessitate cessante, & ubi adsit copia Catholici Medici idonei, non utantur.

Abstineant a matrimoniis cum haereticis, & sepulturis.

§. 3. Cum vero Itali praedicti ex Italia recedunt ad morandum, seu inhabitandum in partibus praedictis, id significant suis Ordinariis, vel inquisitoribus locorum, a quibus serio admoneantur, ut in eis perpetuo Catholicam, & orthodoxam fidem constantiter retinentes, & profitentes, piam, & Catholicam vitam ducant, Dominicos, & Festos dies, abstinentias, & sacra Jejunia ab Ecclesia praecipua religiose colant, atque omnem haeresim, & errorem, haereticos, schismaticos, & ab Orthodoxa fide aberrantes

Ad habitandum ibi non accedant, nisi prius significant Ordinariis vel Inquisitoribus, qui cum eis hic descripta servant.

tes fugiant, & evitent, ac ut saltem singulis annis de eorum Sacramentali peccatorum confessione, & Sanctissimae Eucharistiae perceptione per eos factas, fidem, seu testimonium ipsis Ordinariis, vel Inquisitoribus in Italiam transmittant, ad quod, & nos dictos Italos tenore praesentium teneri, & obligatos esse decernimus, & mandamus.

Contra inobedientes tanquam de haereticis suspectos inquiri potest.

§. 4. Quod si quis propriae salutis immemor, contra praemissa facere praesumpserit, possit adversus eum per locorum Ordinarios, & Inquisitores haereticae pravitatis, uti de haereticis suspectis procedi.

Quibuscumque non obstantibus.

§. 5. Non obstantibus Constitutionibus, & Ordinationibus Apostolicis, ceterisque contrariis quibuscumque.

Transumptum fides.

§. 6. Volumus autem, ut earundem praesentium transumptis, etiam impressis, manu alicujus Notarii publici subscriptis, & sigillo personae in dignitate Ecclesiasticae constitutae munitis, eadem prorsus fides in iudicio, & extra adhibeatur, quae ipsismet praesentibus haberetur, si essent exhibitae, vel ostensa.

D. P. Ann. V. die 26. Julii 1596.

Datum Romae apud S. Marcum, sub Annulo Piscatoris, die vigesima sexta Julii millesimo quingentesimo nonagesimo sexto, Pont. Nostri Anno Quinto.

CXXXI.

Ex Regest. in Secret. Brevi.

Jurisdictione, Facultates, & Privilegia Auditoris Reverendae Camerae Apostolicae, nec non Reformationes Officialium ejusdem Tribunalis.

CLEMENS EPISCOPUS SERVUS SERVORUM DEI

Dilecto filio Magistro Marcello Lantes Clerico Romano V. I. D. Cappellano nostro Causarum Curiae Camerae Apostolicae Generali Auditori salutem, & Apostolicam benedictionem.

Proccum.

EA Romani Pontificis in conferendis praecipuis Romanae Curiae Officiis cura esse debet, ut ad illa ii demum eligantur viri, qui doctrina, prudentia, fide, & probitate praesent, quique Officia praedicta ea, quae decet diligentiam, & integritate sciant, velint & possint administrare.

Marcellum Lantes Auditorem Camerae Apostolicae creati cum omnibus facultatibus, jurisdictionibus, & privilegiis.

§. 1. Cum itaque Nos nuper Officium Generalis Auditoratus, seu Audientiae causarum Curiae Camerae Apostolicae, quod nuper dilectus filius noster Camillus tituli Sancti Eusebii Presbyter Cardinalis Burghesius nuncupat, obtinebat, per illum ad Cardinalatus dignitatem promotionem vacare decreverimus, & ad praesens vacet; Nos personam tuam generis Nobilitate parem, & iis virtutibus, quae ad primaria quaeque munera obeunda per necessaria sunt, ornatam, ac praecipue doctrina praeceteris Romanae Curiae Praelatis eligendam duximus, cui officium praedictum demandavimus, firma spe freti, Te dextera Domini propitia assistente, idem officium recte, fideliter, & prudenter administraturum. Te

igitur, qui dictae Camerae Apostolicae Clericus, ac in utraque nostra Signatura Referendarius existis, praemissorum intuitu gratioso favore prosequi volentes a quibusvis excommunicationis, suspensionis, & Interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existis, ad effectum praesentium dumtaxat consequendum harum serie absolventes, & absolutum fore censentes, nec non singulorum Privilegiarum, Indultorum, & facultatum officio praedicto concessorum, ac scripturarum, aliarumque literarum desuper confectarum tenores, ac si de verbo ad verbum infererentur, praesentibus pro expressis, & insertis habentes, Motu proprio, non ad tuam, vel alterius pro te nobis super hoc oblatae petitionis instantiam, sed ex mera deliberatione, certa scientia nostris Tibi, quoad vixeris, officium Auditoratus, seu Audientiae Causarum huiusmodi per promotionem dicti Camilli ad Cardinalatus honorem, ut praefertur, aut alias quovis modo, quem praesentibus haberi volumus pro expresso, vacans cum officio Correctoriae Archivii Romanae Curiae, aliisque illi annexis, ac omnibus, & singulis suis honoribus, privilegiis, nec non salva dismembratione, & separatione sex millium scutorum monetae Romanae annuorum ad rationem decem juliorum ejusdem monetae quolibet scuto huiusmodi, & fructibus dicti officii Auditoratus per sel. recor. Sixtum PP. V. Praedecessorem nostrum ex certis causis factis, & dictis scutis sex millibus eidem Camerae, seu alias applicatis, & salvis remanentibus cum juribus, regalibus, & emolumentis consuetis, ac facultatibus, & Indultis, nec non Decretis, etiam in ordine, & modo procedendi in causis eidem Camillo Cardinali, & aliis, qui pro tempore fuerunt causarum Curiae huiusmodi Generalibus Auditoribus, etiam per pia mem. Julium II., Leonem X., Clementem VII., Paulum, & Julium III. ac Sixtum praedictum, & Gregorium XIV., & alios quoscumque Romanos Pontifices Praedecessores Nostros, ac Nos, & Sedem Apostolicam sub quibuscumque tenoribus, & formis, ac cum quibusvis clausulis, & Decretis tam in forma Brevis, quam sub plumbo expeditis literis, & alias ex usu, stylo, & consuetudine quomodolibet concessis, confirmatis, & innovatis, Apostolica auctoritate, tenore praesentium, concedimus, & assignamus: Teque ad vitam nostrum, & pro tempore existentis Romani Pontificis, ac dilecti filii Nostri Henrici Tituli S. Pudentianae Presbyteri Cardinalis Cajetani nuncupat. moderni, & pro tempore existentis S. R. E. Camerarii, & Curiae causarum Camerae Apostolicae Generalem Auditorem cum honoribus, oneribus, privilegiis, concessionibus, Indultis, juribus, regalibus, emolumentis, facultatibus, & Decretis praedictis, constituimus, & deputamus, ac in locum dicti Camilli Cardinalis quoad huiusmodi Auditoratus



officium ejusque liberum exercitium, quoad vixeris, substituiamus, & subrogamus: Indulgentes, quod Tu, licet quovis modo Te imposterum immisceas in causis criminalibus, etiam ubi poena sanguinis, & ultimi supplicii imponenda erit, seu imponetur, nullam propterea censuram Ecclesiasticam, aut irregularitatis, vel inhabilitatis cujuscumque notam, & impedimenta ullatenus incurras, dummodo sententiam sanguinis per Te ipsum non feras, vel votum subscribas, Tibique, ut per te, vel alium, seu alios idoneum, vel idoneos Locumtenentem, seu Locumtenentes, ac officiales tuos, vel Vicegerentes, quos, & quomodo pro tempore duxeris assumendos, aut deputandos de omnibus, & singulis causis, modis, & formis presentibus pro expressis cognoscendi, & decidendi facultatem concedimus: ita ut Tu, tam in causis obligationum in forma Camerae, quam in forma juris, guarantee, vel Ripae, & Ripetae celebratarum, ac etiam in aliis obligationibus, in quibus etiam absque obligatione in forma Camerae debitores consentiunt in mandatum executivum unica citatione, vel etiam sine citatione, & quarum obligationum, vel consensuum vigore in aliis Tribunalibus executivae per relationem mandatorum procedit, quovis modo solus, praeterquam inter Cives Romanos, inter quos privilegium, seu Constitutionem ultimo loco per similibus mem. Pium PP. IV. etiam praedecessorem nostrum in favorem Populi Romani Motu proprio factam, omnino servari volumus, alii vero quicumque etiam Romanae Curiae Iudices in similibus causis nullatenus, nulloque modo procedere possint, ac de omnibus, & singulis obligationibus in forma Camerae, ubi vis locorum, & inter quascumque personas factis, & faciendis, iis dumtaxat exceptis, quae independentibus a litibus, & causis in eadem Curia coram aliis Iudicibus pro tempore introductis factae, & receptae fuerint, & tunc non per viam censurarum, sed per viam mandati executivi cognoscas, & in illis procedas. Ita ut, si quascumque causas, quae de cetero perpetuis futuris temporibus in eadem Curia super ipsis obligationibus, aliisque omnibus praedictis in alio, quam Auditoratus hujusmodi Tribunali, praeterquam in vim specialis commissionis nostrae de dictis obligationibus speciale mentionem facientis motae fuerint, in illarum statu, gradu, & terminis, in quibus reperientur, tua ordinaria auctoritate, exceptis dumtaxat causis Curiae Capitolii contra dictos Cives Romanos pro tempore juxta formam dicti privilegii motis, reassumere.

*Cavet, quominus alii Iudices in causis ad eum spectantibus se immisceant sub poenis hic expressis.*

§. 2. Inhibendo Iudicibus, quibus sunt commissa, ac coram quibus illae pendebant, ne in eis, aut de illis, quoquo modo, aut quovis quae sit colore, directe, vel indirecte se intromittere, itidemque omnibus, & quibuscumque Iudicibus, eorumque Locumtenentibus, & Auditoribus tam Ecclesiasticis, quam saecularibus, ne in executionibus, ac processibus praedictarum obliga-

tionum, & contractuum de cetero contra tenorem presentium ad Instantiam cujuscumque personae, Collegii, Universitatis, Capitulorum, & quorumvis privilegiatorum sub excommunicationis latae sententiae, indignationisque nostrae poenis, ac partibus ipsis, Notariis, Procuratoribus, Solicitatoribus, Exequutoribus, Officialibus sub eisdem Censuris, & poenis, ac privationis officiorum suorum, & inhabilitatis ad illa, & alia imposterum obtinenda, nec non quingentorum Ducatorum Fisco, & eidem Camerae applicandorum, refecionisque expensarum partibus arbitrio suo, & nullitatis processuum quovis modo, directe, vel indirecte se intromittere presumant, & quidquid secus super his contigerit attentari, irritum, & inane decernendo. Praeterea solus vigore dictarum obligationum Censuras Ecclesiasticas promulgare.

§. 3. Nec non omnes, & singulas spirituales, Ecclesiasticas, & prophanas, ac quorumvis etiam ejusdem Romanae Ecclesiae Cardinalium, eorumque, & nostrorum familiarium continuorum Commensalium, nec non quorumcumque Praelatorum in ipsa Curia degentium, ac etiam Imperatoris, Regum, Principum, ac Communitatum, & Universitatum, Oratorum, nec non dictae Curiae Officialium eandem Curiam sequentium, & familiarium eorumdem, & ipsius Curiae causarum hujusmodi Auditoris Notariorum, & eorum familiarium, Caporum quoque, & quorumvis Mercatorum, ac pensionum annuarum super fructibus, redditibus, & proventus Ecclesiasticis, ac eorum fructuum loco pensionum hujusmodi reservatorum, & assignatarum, etiam si earum, & eorum solutio non sit in praedicta Curia, sed in partibus facienda. Et quascumque alias etiam commissarias Causas, tam Civiles, quam Criminales, & mixtas coniunctim, vel divisim in eadem Curia, quomodocumque, & qualitercumque motas, & movendas, & inter quascumque partes, etiam per viam Inquisitionis, aut ex officio quomodolibet pendentes, & quae per appellationem a gravaminibus illatis, & inferri comminatis, seu sententis diffinitivis vel interlocutoriis a quibusvis Iudicibus ordinariis, & Arbitris, atque Arbitratoribus in Curia, & Urbe praedictis, Vicario Nostro, ac Governatore, vel Senatore Urbis praedictae, ac Iudicibus Capitolinis dumtaxat exceptis, & extra eas, ac quibuscumque Iudicibus Ordinariis, vel Delegatis, seu arbitris, vel arbitratoribus, ac etiam dictae Sedis Legatis, ac eorum Vicelegatis in Terris eidem Romanae Ecclesiae mediate, vel immediate subjectis, aut aliis earum Gubernatoribus, vel Officialibus, & quibusvis in feudum, seu Vicariatum, aut alias quomodolibet concessis, & pro tempore latis, & promulgatis interpositam, seu alias ad eandem Sedem, etiam per viam reclamationis Judicialis, vel extrajudicialis, aut nullitatis, vel recursus a quibuscumque sententiis quorumcumque Ordinariorum, etiam extra Statum Ecclesiasticum haecenus devolutae sunt, & imposterum

*Enumerat Causas per eum definiendas.*

sterum devolventur. Eas videlicet, in quibus non agatur ultra summam ducentorum Ducatorum auri de Camera, aut de re verum valorem praedictae summae non excedente, seu quae inter, & contra Mercatores dictae Curiae pro quibuscumque negociis ad quamcumque summam ascendunt, & pro Notariis tuis, ac inter, & contra ipsos, & eorum familias pro tempore vertentur, summarie, simpliciter, & de plano, sine strepitu, & figura Iudicii, sola veritate inspecta, & manu regia, absque observatione terminorum, qui de stylo, seu ordinatione Palatii Apostolici, aut alias observari consueverunt, etiam privative quoad alia Tribunalia, alia vero summam praedictam, aut illius valorem excedentes, & inter, & contra alios quam Mercatores vertentes, servatis terminis, & alias summarie, prout in Beneficialibus. Eisdemque terminis quomodocumque male, & nulliter, praepostere, aut confuse tentis, pro minore partium dispendio, etiam unico contextu, Citatione, & Audientia reiteratis, etiam per affixionem Citationis pro tempore faciendae ad valvas habitationis ipsorum Cantidorum quoad obligatos in forma Camerae, seu guarantee, Ripae, & Ripetae, ac aliis supra dictis formis executivis, & quoad alios aliter obligatos, ubi non agatur de majore, quam de viginti Ducatorum summa, audire, cognoscere, decidere, & sine debito terminare. Nec non de omnibus, & singulis quibuscumque, & quantumcumque enormibus criminibus, delictis, & excessibus tam in Urbe, & Curia praedictis, quam extra eas per quoscumque tam ejusdem Curiae, atque Sedis Officiales, quam dictam Sedem sequentes, & alios etiam a Jurisdictione Ordinariorum exemptos, ac dictae Sedi immediate subiectos quibuscumque Ecclesiastica, vel mundanae dignitatis, etiam Episcopalis, vel majoris, & per quoscumque alios quoscumque status, gradus, ordinis, vel conditionis fuerint, perpetratis, vel perpetrandis, tam ad Procuratoris fiscalis denunciationem, & promotionem, quam etiam partium accusationem, vel etiam investigationem, seu ex mero officio, & quoad omnes privative perpetratis per Notarios tuos, & Substitutos, interque, & contra eos, ac alios in eorum officiis, & intus ea solum inquirere, & super illis tam per viam inquisitionis, quam accusationis, seu denominationis, & investigationis hujusmodi procedere, & culpabiles repertos juxta suorum excessuum, exigentiam, & qualitatem quovis modo punire. Dummodo Monitoria contra Episcopos, vel eorum superiores ad comparandum personaliter, nisi praevia commissione Manu Nostra signata non decernas. Nec non quascumque literas Apostolicas generales, & particulares tam sub Plumbo, etiam per Officium Audientiae nostrarum literarum contradistarum, ac etiam per Officium minoris gratiae expeditas, quam in forma Brevis, & quarum solam Signaturam sufficere concessum fuerit, supplicationes per Nos, & pro tempore existentes Roma-

nos Pontifices, aut in eorum, seu nostra praesentia signatas, nec non literas pro tempore existentis Camerarii, ac Penitentiarum majoris nostrorum, dummodo in illis, & literis Apostolicis praedictis alii exequutores deputati non fuerint, solus; in quibus vero deputati erunt, cumulative cum illis exequi, & super illis processus debitos in forma solita, etiam cum promulgatione censurarum in similibus promulgari solitarum decernere. Ac tuarum per te, tuosque Locumtenentes, seu quovis alios tam Ecclesiasticos, quam saeculares Iudices, & tam Delegatos, quam Subdelegatos, ac etiam causarum dicti Palatii Auditores, vel Nos, aut Romanos Pontifices pro tempore existentes, tam in specie, quam in genere, ac alias quomodolibet in eadem Curia, & extra pro tempore latorum sententiarum, nec non quorumcumque processuum generalium, vel specialium, tam in die Coenae Domini, quam alias cum censurarum, & poenarum Ecclesiasticarum, fulminatione fieri solitorum executionem, quas etiam si Delegatis, vel Subdelegatis praedictis, aut quibusvis aliis, etiam specialiter per Nos, & Sedem praedictam commissa fuerint, Tibi cumulative, & non privative commissas esse volumus, atque decernimus, servatis terminis in Tribunali tuo hujusmodi servari solitis, etiam singulis diebus, & horis, prout in ordinariis consuetum est facere, illasque, & illos debita executioni etiam si opus fuerit, cum auxilii brachii saecularis invocatione demandare. Et quascumque Communitates, Universitates, Collegia, Capitula, nec non etiam extra dictam Curiam degentes personas pro debitis per eos in eadem Curia contractis, aut salario, seu contractu in dicta Curia inito; degentes vero in eadem Curia, seu Curiales Ecclesiasticos saeculares, vel Regulares, etiam ab ipsa Curia absentes, quoscumque status, gradus, ordinis, dignitatis, etiam Pontificalis, conditionis, vel praeminentiae existentes pro quibusvis rebus, & pecuniarum summis ad quorumvis etiam absentium, quorum intererit, pro tempore instantiam, quoties expedierit, etiam per Edictum publicum confito summarie, & extrajudicialiter de non tuto ad eos accessu, ad satisfaciendum de eorum debitis, & praestant. ea, ad quae pro tempore tenebuntur monere, & citare. Ac literas quascumque remissoriales, & compulsoriales tam generales, quam speciales, ubi, & quoties opus fuerit, arbitrio tuo decernere. Nec non etiam in vim Constitutionis Eugenianae in favorem Curialium emanatae, ac Leoninae, & quascumque illius extensionis inhibere. Ac monitoria, citationes, & inhibitiones ad partes etiam per simile Edictum decernere, eos quoque arrestare, & carcerare, ac si Tibi videbitur, quascumque poenas, ac multas simili arbitrio dimittere, & relaxare, ac pro delictorum, & excessuum, nec non criminum qualitate eis per Te, tuosque Locumtenentes infligere, & imponere. Nec non quoslibet inobedientes excommunicare, & a divinis suspendere, genera-



liter, vel specialiter interdicere, ac sententias, censuras, & poenas Ecclesiasticas per Te, & Locumtenentes tuos pro tempore latas, etiam iteratis vicibus aggravare. Et quod a Te, vel Locumtenentibus predictis pro tempore excommunicati, seu aliter censurati ab aliis, quam a Te, vel Locumtenentibus predictis, etiam de partium consensu, praeterquam in mortis articulo constituti, absolvi non possint, ad evitandum collusiones statueret. Et cum Tibi visum fuerit expedire, Communitates, Universitates, Collegia, Capitula, & personas quascumque a quibusvis sententis, censuris, & poenis, ac multis Ecclesiasticis, spiritualibus, vel temporalibus per alios videlicet, quam per Te, & tuam Curiam inflicis in diebus Paschalis, & Natalitii cum reincidentia absolvere, nec non sententias, censuras, & poenas, ac multas hujusmodi, & quacumque Interdicta suspendere, tollere, & eis relaxare. Nec non obligationes in forma Camerae, etiam per mortem debitoris, quoad illius bona tamen etiam per viam confiscationis debiti per aliquem ex Procuratoribus in qualibet obligatione constitutis more solito faciendae, & heredibus legitime citatis, seu alias arbitrio tuo exequi, & executioni demandari facere. Et generaliter omnia, & singula, quae ad officium Auditoris causarum Curiae hujusmodi de jure, vel ex privilegio, aut usu, seu literis, & consuetudine predictis olim spectabant, & quae illi, qui pro tempore fuerant causarum Curiae hujusmodi Auditores, ex concessis eis facultatibus facere, & decernere, mandare, statuere, ordinare, & exequi quomodolibet poterant, seu consueverant, facere, dicere, mandare, statuere, ordinare, & exequi valeas, habituri ratos, & gratos processus, & sententias, quas Tu, & Locumtenentes tui predicti pro tempore habuerint, & tulerint, ac reliqua omnia, quae in praemissis, & circa ea, aut quodlibet eorum fecerint, dixerint, mandaverint, statuerint, & ordinaverint, ac facturi ea omnia auctore Domino ab omnibus usque ad satisfactionem condignam inviolabiliter observari.

Literas Praeceptorum Pontificum A. C. Privilegia, vel jurisdictionem concedentes constituat.

§. 4. Insuper eisdem auctoritate, & potestatis plenitudine tam literas Julii II., Leonis X., aliorumque Praedecessorum hujusmodi, quam omnia, & singula privilegia, Indulta, facultates, Jurisdictiones, & gratias officio Auditoratus, & Auditoribus predictis quomodolibet concessa, ac cum omnibus, & singulis in eis contentis clausulis, singulas denique desuper confectas literas, quorum omnium, & singularum literarum predictarum hujusmodi tenores, ac si de verbo ad verbum infererentur, pariter praesentibus haberi volumus pro expressis, auctoritate, & tenore predictis approbamus, confirmamus, & innovamus, ac perpetuae firmitatis robur obtinere, & inviolabiliter observari debere decernimus, illaque omnia, & singula ad officium Auditoratus, & pro tempore existentem Auditorem hujusmodi, perinde ac si eis specialiter, & expresse concessa, & pro eis, seu in illorum

favorem statuta, & ordinata fuissent, extendimus, & ampliamus. Quodque Constitutiones, quae Odoardus, & pervenit incipiunt, & quaevis alternativa, seu Moratoria, & dilationes etiam Salinae, per quoscumque etiam ejusdem Romanae Ecclesiae Cardinales, Clericos Camerae, & illius Camerarium pro tempore decreta, quoad obligatos, ut supra tam respectu bonorum, quam personarum nullatenus possint. Quinimo obligationes predictae executioni debite demandentur, etiam post mortem debitoris quoad bona. Et non obstantibus quacumque appellatione, & superinde obtentata commissione de hujusmodi obligatione expressam mentionem non faciente, aut discussione hereditatis ubilibet pendente, si per Creditores data fuerit idonea cautio in forma Depositi de restituendo id, quod receperint, prioribus, & potioribus creditoribus in eventum succumbentiae.

§. 5. Quodque Tu in Cappella, & aliis actibus tam publicis, quam privatis primum locum post eundem Governatorem, & Oratores Principum, si Praelati fuerint, habeas, indulgemus, statuimus, volumus, & ordinamus, nec non Contradictores, & Rebelles, Tibique in praemissis non parentes opportunis juris remediis compescendi, & ad id, si opus fuerit, auxilium brachii secularis invocandi, caeteraque in praemissis, & circa ea quomodolibet necessaria, & opportuna tam in dicta Urbe Nostra, quam ubique locorum faciendi, & exequendi juxta facultates alias tunc officium Auditoratus hujusmodi obtinentibus attributas, plenam, & liberam auctoritate, & tenore praemissis concedimus facultatem.

§. 6. Ac etiam statuimus, & ordinamus, quod si in causis in Tuo Tribunali tam motis, quam movendis comparuerint Creditores usque ad summam quinquaginta scutorum inclusive, pro quolibet, qui vere sint miserabiles persona, eisdem eorum credito, etiam quod non sint priores, aut potiores satisfieri possit, ac debeat; Mandantes propterea Tibi, quatenus constituto prius Tibi etiam summarie, & extrajudicialiter, & quantum Tibi sufficere videbitur de praemissis paupertate, & miseria, dictos pauperes ad satisfactionem eorum crediti admittas, eisque satisfieri mandes, & facias realiter, & cum effectu, super quibus Tibi plenam, & liberam facultatem cum simili potestate, quoscumque ubi, & quando, ac quoties opus fuerit, etiam per Edictum publicum, constituto summarie, & extrajudicialiter de non tuto accessu, ac etiam sub Ecclesiasticis sententis, censuris, & etiam pecuniariis, aliisque poenis imponendis, moderandis, & applicandis, citandi, monendi, & inhibendi, & in eventum non partitionis, sententias, censuras, & poenas hujusmodi declarandi, aggravandi, reaggravandi, excommunicandi, interdicensi, auxiliumque brachii secularis, si opus fuerit, invocandi, nec non perpetuum desuper silentium omni, & quacumque appellatione, & recursum remotis, imponendi, omniaque, & singula alia

Locum ei in Cappella Praeterea assignat

Aliis recentibus facultates.

in

in praemissis, & circa ea necessaria, seu quomodolibet opportuna faciendi, gerendi, exercendi, & exequendi juxta concessionis aliorum Romanorum Pontificum praedecessorum Nostrorum desuper hujusmodi officiorum obtinentibus, ut praemittitur facta tenorem concedimus, & impertimur. Prefremo Tibi, ut omnes, & quascumque causas tam per Te, quam Locumtenentes tuos super omnibus, & singulis articulis, negociis, & causis in Constitutione, seu Motu proprio per praedictum Pium Praedecessorem pro pecuniis ad cambium, & recambium, usurario, & malo modo per Mercatores dictae Urbis accipiendis facta contentis, & dependentibus ab eis, prout pro singulorum casuum circumstantiis, alias de jure Tibi faciendum videbitur; Non obstante facultate, seu Motu proprio per eundem Pium Praedecessorem in favorem dicti Governatoris concessa; partibus justitiam ministris, ac in causis ipsis non tanquam specialis Commissarius, sed prout solet in similibus causis juxta tuarum facultatum tenorem, & ordinarium Curiae tuae sylum procedas, cum potestate citandi, & inhibendi, ac quascumque inhibitiones per dictam Urbis Governatorem decretas revocandi, & criminalitates contra Mercatores tollendi, aliasque, & alia, quae in praemissis, & circa ea fuerint necessaria, & quomodolibet opportuna, faciendi, & alias in omnibus, & per omnia juxta concessionum per eosdem Romanos Pontifices Praedecessores Nostros tum temporis Curiae causarum ejusdem Camerae generalibus Auditoribus factarum tenorem, auctoritate, & tenore similibus committimus, & mandamus.

Prohibet iudicibus sub poenis hic expressis, ac sententiarum ab eorum executione impedit.

Pro summa sex millium scutorum bona omnia Camerae Apostolicae favorabiliter obligat.

§. 7. Mandantes propterea, & districtius inhibentes quibusvis iudicibus, & personis quocumque nomine nuncupatis, ac quovis privilegio munitis, etiam si ejusdem S.R.E. Cardinales fuerint, sub indignationis Nostrae poena, & Interdicti, nec non etiam excommunicationis sententis, quas, si secus fecerint, eo ipso incurrant, & a quibus, praeterquam in mortis articulo constituti, alias quam a Romano Pontifice pro tempore existente absolvi non possint, nec in obligationibus supra dictis, illarumque executionibus, aut aliis praemissis contra eandem praesentium tenorem quomodolibet, nisi ut praesertur, se intrinsece, aut Te, vel Locumtenentes predictos super praemissis molestare praesumant.

§. 8. Insuper Tibi, qui in Nostram, & Sedis praedictae subventionem ob urgentes, quibus quotidie premimur, necessitates summam sexaginta millium scutorum monetam in pecunia numerata realiter, & cum effectu persolvisti, securitatemque tua consulere volentes, pro omnium, & singulorum praemissorum observatione, & executione etiam nomine, & loco damnorum, & interesse, quae te pati posse contigerit, omnia, & singula ejusdem Camerae bona, res, & jura tam mobilia, quam stabilia praesentia, & futura, ubilibet existentia, nedum generaliter, verum etiam specialiter, & ex-

presse in amplissima Camerae forma cum omnibus, & singulis clausulis, Decretis, & cautelis in similibus apponi solitis latissime extensis Tibi obligamus, & hypothecamus, nec non etiam si pro consequendo dicto officio Auditoratus ab aliis majus pretium, repertum fuerit, seu reperiri contigerit, id omne, & totum sive parva, sive magna summa existat, Tibi etiam titulo donationis irrevocabilis inter vivos dici solita gratiose remittimus, & condonamus: ac praesentes ad probandum, quod eadem summa in Nostram, & Sedis, & Camerae praefatarum subventionem concessa fuerit, aliaque praemissa, ubique tam in Iudicio, quam extra sufficere, nec ad id alterius probationis adminiculum requiri, nec Te, aut quemcumque alium nomine tuo ad praemissa, vel eorum aliqua, etiam, quod litera, mandata, compositiones, solutiones, nostro, aut Successorum nostrorum ordine, mandato, commissione facta fuerint, etiam ad Sedis, Camerae, seu Fiscus, aut etiam quarumvis particularium personarum cujusvis dignitatis, status, gradus, ordinis, & conditionis existentium, instantiam in Iudicio, vel extra probandum, aut verificandum non teneri, sed soli, & simplici assertioni tuae, absque alterius probationis adminiculo stari debere, eisdemque praesentes Tibi in omnibus, & per omnia suffragari debere, illaque, & in eis contenta quocumque nullo unquam tempore de subreptionis, vel obreptionis, aut nullitatis vitio, seu intentionis nostrae defectu notari, impugnari, invalidari, aut ad terminos Juris reduci, seu in Jus, vel controversiam revocari, aut adversus eas quocumque Juris, aut facti, vel gratiae remedium impetrari, minusque sub quibusvis similibus, vel dissimilibus gratiarum, revocationibus, suspensionibus, limitationibus, & aliis contrariis dispositionibus comprehendi posse, sed semper ab illis exceptas, & quoties illae emanabunt, toties in pristinum, & eum, in quo antequam illae emanarent, erant, statum restitutas, repositas, & plenarie reintegratas, ac de novo concessas, etiam sub quacumque Data per te eligenda, validasque, & efficaces semper fore, & esse, vimque validi, & efficaci contractus inter Nos, & Sedem, ac Camerae praedictae ex una, & Te ex altera partibus rite, & recte, facti initi, & stipulati, ac etiam hinc inde acceptati habere, & obtinere, ac inviolabiliter observari, semperque validas, & efficaces existere, sicque per quoscumque Iudices, & Commissarios etiam S.R.E. Cardinales, & Camerarium, disteque Camerae Praesidentes, & Clericos, ac Palatii Apostolici Auditores praedictos sublata eis, & eorum cuilibet quavis aliter judicandi, & interpretandi facultate, & auctoritate in quavis causa, & instantia, ac ubique locorum judicari, & definiti debere, ac irritum, & inane, si secus super his a quoquam quavis auctoritate scienter, vel ignoranter contigerit attentari, auctoritate, & tenore praedictis decernimus.

§. 9. Quocirca praedicto Henrico Cardinali S.R.E. Camerario hujus



1596.  
Constitutionis  
excoquitor de-  
putatur.

dinali, & Camerario per Apostolica scripta motu pari mandamus, quatenus per se, vel alium, seu alios Te, vel Procuratorem tuum, nomine Tuo in corporalem, realem, & actualem possessionem officii Auditoratus, & annexorum, Juriumque, & pertinentiarum, ac privilegiorum, & facultatum predictorum, seu quasi auctoritate Nostra inducat, & defendat inductum, amoto exinde quolibet illicito detentore, faciens Te, vel pro Te, Procuratorem predictum ad officium hujusmodi ejusque liberum exercitium, nec non honores, onera, salaria, regalia, jura, & emolumenta in ipsius Camilli Cardinalis locum admitti, Tibique de emolumentis, & aliis predictis, ut supra integre responderi. Contradictores dicta auctoritate nostra, appellatione postposita, compescendo.

Derogat con-  
trariis.

§. 10. Non obstantibus praemissis, ac nostris, quatenus opus sit, de non tollendo jure quaesito, nec non revocatoria facultatum percipiendi pretium officiorum d. Curiae, & gratis ad instar non concedendis, aliisque Cancellariae Apostolicae Regulis, etiam per Nos, ac Praedecessores, & Successores nostros Romanos Pontifices quoscumque, quomodocumque, & quodocumque editis, & edendis, & etiam praefati Pii IV. praedecessoris, quod privilegia, concessionis, & Indulta Camerae praedictae praedictum quomodolibet concernentia, in Camera praedicta intra certum tempus registrari, intimari, insinuari, & notificari debeant. Item, quod praesentes nostras literas in eadem Camera nullo unquam tempore praesentare, intimare, notificare, & registrari facere, ac insinuare tenearis, nisi, & quando Tibi videbitur, ac qui busvis aliis Constitutionibus, & Ordinationibus Apostolicis, etiam de rebus, & bonis Ecclesiae, & Camerae praedictarum non alienandis, ac in illarum alienatione, & seu concessione, certas solemnitates, & formas servari debere disponentibus, ac Curiae, & Palatii stylo, nec non Urbis, & Camerae hujusmodi, & quarumcumque aliarum Civitatum, Terrarum, & locorum, etiam juramento, confirmatione Apostolica, vel quavis firmitate alia roboratis Statutis, & consuetudinibus, reformationibus, etiam novis, ac novissimis, & Decretis, & Ordinationibus, Privilegiis quoque, Indultis, & literis Apostolicis, quibusvis Communitatibus, Universitatibus, Baronibus, Domicellis, Feudatariis, & aliis quibuscumque eidem Sedi mediate, vel immediate subjectis, & quibusvis aliis quacumque dignitate, etiam Episcopali, Archiepiscopali, Patriarchali, & Cardinalatus honore fungentibus, personis ubivis locorum existentibus, ac etiam Nostris, & dictae Sedis Nunciis, Legatis, etiam de Laterano per Nos, & Romanos Pontifices praedecessores nostros sub quibuscumque tenoribus, & formis, ac cum quibusvis clausulis, & Decretis, etiam pro quibuscumque causis, etiam motu simili concessis, confirmatis, & approbatis, ac etiam iteratis vicibus innovatis, & imposterum concedendis, confirmandis,

approbandis, & innovandis. Quibus omnibus aliisque hic non expressis, quae forsitan praesenti gratiae obesse possent, etiam de illis specialis, specifica, & expressa mentio habenda, & certa exquisita forma observanda foret, illorum tenores praesentibus pro expressis habentes, illis alias in suo robore permanentibus, hac vice dumtaxat, harum serie Motu, & scientia similibus specialiter, & expresse derogamus, ac plene, & sufficienter derogatum esse decernimus, & declaramus, ac omnibus illis quae in praemissis concessa fuerunt non ob stare, ceterisque contrariis quibuscumque.

Reformatio-  
nes autem an-  
tea factas praeservat.

§. 11. Per praesentes autem non intendimus Reformationibus de Auditoratus hujusmodi, & aliis dictae Curiae officis per Pium IV., & Pium V. Praedecessores praedictos factis, nec non Concilii Tridentini Decretis in aliquo derogare, vel alias praedictare, sed illas, & illa salva esse, & in suo robore permanere, eaque omnia, ac etiam eas, quae infra dicentur, reformationes per te, & successores tuos praefatos, ac alios, ad quos id spectat, seu in futurum quomodolibet spectabit, omnino, & inviolabiliter servari volumus, & mandamus. Et insuper volumus, quod Tu antequam officium Auditoratus causarum Camerae hujusmodi exercere incipias, de illo fideliter exercendo in manibus Henrici Cardinalis Camerarii praedicti, seu ejus Locumtenentis solitum praestes juramentum.

Harum literarum  
transumptis  
per credi ju-  
bet.

§. 12. Quodque praesentium literarum exemplis, seu transumptis etiam impressis manu alicujus Notarii publici subscriptis, & sigillo persona in dignitate Ecclesiastica constituta munitis, eadem prorsus fides adhibeatur, & adhiberi debeat, quae ipsis originalibus adhiberetur, si exhibitae forent, vel ostense.

Eum adhorta-  
tur, ut Con-  
miso sibi mu-  
nere diligen-  
ter perfungatur.

§. 13. Tu igitur praedictum officium Auditoratus, prompta devotione suscipiendo, sic illud diligenti studio, cura, & integritate exequaris, ut tua opera ad Dei laudem, & gloriam, ac earumdem Ecclesiae, & Curiae bonum publicum, privatorumque commoditatem, & exemplum laudabile cedant, Teque apud Nos, & Sedem praedictam, ut speramus, merito per amplius recomendent.

Reformatio-  
nes alias factas  
revertet.  
De Monitoriis  
in Causis Cri-  
minalibus re-  
laxandis.

§. 14. Reformationes vero in Tuo Tribunali servanda ultimo dictae sunt haec, quae sequuntur, videlicet. Statuimus in primis, ut in causis criminalibus in locis Nobis, & S.R.E. immediate subjectis non decernantur, neque relaxentur Monitoria contra aliquem in prima instantia, nisi per Te, & tuos in dicto officio successores, facto prius verbo nobiscum, seu cum Romano Pontifice pro tempore existente, praeterquam in casibus in Bulla Coenae Domini contentis, in quibus tamen quando Monitoria extra Italiam decernenda erunt in locis Nobis, & S.R.E. non subjectis, vel alias contra Officiales, Curiales, exemptos, ac contravenientes inhibitionibus, & literis Apostolicis, vel etiam pro rebus dependentibus a causis Criminalibus coram Te, & tuis in dicto Officio successoribus legitime introductis, ac pen-

dentibus, volumus pariter, & mandamus hujusmodi Monitoria non relaxari, nisi facto, ut praefertur, prius verbo nobiscum, seu cum Romano Pontifice pro tempore existente. Quantum vero attinet ad literas pro capiendis inditiis, mandamus servari Constitutionem sel. recor. Pii PP. IV. super reformatione dicti Tribunalis. Praeterea statuimus, & decernimus, ut post hac supersefforia, seu, ut vocant, non gravetur, vel dilatione, si quae interdum concedenda erunt, concedantur gratis, etiam pro sigillo & sine ulla Judicis, Secretarii, aut alterius cujuscumque persona mercede, & quando ipsa Supersefforia, aut non gravetur, seu dilatione revocanda erunt, praeterquam quando concedentur in vim termini Judicialis a Debitore suscepti, quo casu circa solutionem servari volumus id, quod juxta styllum Tribunalis haecenus servatum fuit.

De supersef-  
foriis.

De Mandatis  
de Capiendo.

Ulterius mandamus, Creditorem, qui obtinuit mandatum executivum de Capiendo contra debitorem ratione suspensionis fugae, vel sequestri contra pecunias, & bona debitoris, cogi non posse ad expediendum Mandatum executivum, vel aliquo modo solvendum, aut deponendum illius taxam.

De Subscri-  
ptione Man-  
datorum exco-  
quitorum.

Decernimus etiam tuos nunc, & pro tempore existentes Judices nullo modo mandata executiva subscribere posse, nisi prius ipsimet Judices in Libro Expeditionum diem subscriptionis manu propria notaverint.

De Salario  
Locumtenen-  
tium.

Volumus pariter, & statuimus tuum in Criminalibus causis Locumtenentem nunc, & pro tempore existentem nihil posse recipere pro Sportulis, sed debere esse contentum salario sibi jam assignato, Locumtenenti autem in causis Civilibus singulis mensibus scuta quinquaginta monetae a Notariis pro rata solvi, nec aliquam aliam portionem pro eo retinere mandamus.

De substitutis  
Notariatum.

Tibi insuper, tuisque successoribus praedictis facultatem relaxari faciendi pauperes Carceratos extra Curiam pro debitis civilibus, & vigore suorum mandatorum tantum tuo arbitrio juxta facultates concessas Visitatoribus Carcerum Urbis per Constitutiones Pauli III., & Pii V. editas ad favorem Pauperum Carceratorum impertimur. Ad haec statuimus, ut Substituti Notariorum Tui Tribunalis non admittantur ad conficienda Acta Civilia, seu Criminalia, nec ad testes examinandos, nisi pravia approbatione Collegii eorumdem Notariorum, in qua de fide, & idoneitate admittendorum attestetur, & semper de consensu, seu licentia tua, vel tui Locumtenentis in Civilibus, five Criminalibus respective: & idem servari praecipimus ab aliis, qui in dicto tuo Tribunali stipulationes Instrumentorum, & Rogitus pro eisdem Notariis recipiunt; Utque iidem tuorum Notariorum Substituti in singulis diebus cujusque hebdomadae eos tangentibus quoscumque litigantes principales, seu eorum Procuratores informare volentes in nota per eos designanda sigillatim describere teneantur, nec pro hujusmodi descriptione, aut admissione ad informandum Judices, aut ordine, seu prioritate

circa ipsum actum in informandi, aliquid etiam a sponte dantibus recipere possint. Ultra haec ordinamus, dictos tuos Notarios pro contradictis aliquid ultra id, quod vere solvitur officio contradictarum, recipere non posse, neque debere, etiam si illis propterea partibus sub praetextu celerioris expeditionis ultra offeratur. Mandamus etiam, ut Notarii, nec non Substituti dictorum Notariorum sub poena Trireremium perpetuarum, aliquas societatum officiorum pecunias, censuum, ac aliorum cujusvis generis contractuum, etiam procuratorio nomine exigere, recipere, & penes se quovis modo retinere, tractare, & habere, etiam de ordine, consensu, & voluntate partium non audeant, & nihilominus Notarii ad damna, & interesse, quae culpa Substitutorum partibus evenerint, teneantur, & obligati sint, & contra eos in iis executivae procedi possint, & debeat. Ad haec praecipimus, & mandamus, ut iidem Notarii ad omnem requisitionem partium interesse habentium, Instrumenta, Testamenta in publica forma exhibere teneantur, & pro eorum mercede infra scriptas Taxas, & non ultra, exigere possint, videlicet.

Taxa.

- Ab uno scuto usque ad scut. 25. bolen. 45.
- A scutis 25. usque ad scut. 50. bolen. 75.
- A scutis 50. usque ad scut. 100. scut. 1.
- A scutis 100. usque ad scuta 500. scut. unum pro quolibet centenario.
- A scut. 500. usque ad quamcumque summam bajochi 20. pro quolibet centenario dummodo in totum ultra scuta 100. pro quolibet summa recipere nequeant.

Nec non etiam eisdem Notariis praecipimus sub poena privationis Officii, ne scripturas productas penes se in pulpito, aut alibi retineant, sed statim eisdem mandamus, ut illas describant, & eorum productionem in Manuali notent, & illas in filia reponant. Ordinamus praeterea, ut Substituti, & alii intervientes, seu degentes in Officio Notarii Rogantis Instrumenta pro testibus in Instrumentis, Testamentis, & aliis actibus, ubi Testes de jure requirantur, adhiberi non possint, sed alii omnino adhibeantur. Insuper statuimus, ut Instrumenta in his Manualibus dietim extendantur, & describantur, & filiae Instrumentorum ad minus infra tres menses in Voluminis, seu Libri formam, ut moris est redigantur, & Manualia ipsa diligenter, & accurate custodiantur. Decernimus pariter, ut Notarii teneantur adnotare disdictam Societatis Officii non solum in Libro Manuali, sed etiam in margine Instrumenti Societatis per verba hujusmodi, videlicet, die tali disdicta, & die tali reproducta. Reproductio autem disdicta in actis alterius Notarii de Societate, non rogati nullo modo fieri possit, nisi ubi contractus Societatis esset extra Urbem, rogatus, quae debeat statim in Manuali registrari, ut moris est, & Notarii omitten-

De manuali.

De disdictis.

Reproductio-  
no.